

Broj: 10-32-1555-1/25
Sarajevo, 28.08.2025. godine

Na osnovu člana 56. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj: 35/05), člana 3. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine Federacije Bosne i Hercegovine“, broj: 15/05) i Strategije razvoja Federacije Bosne i Hercegovine 2021. - 2027. („Službene novine Federacije Bosne i Hercegovine“, broj: 40/22), a u cilju podrške investicijskom projektima iz bosanskohercegovačkog iseljništva u Bosni i Hercegovini, Federalno ministarstvo raseljenih osoba i izbjeglica raspisuje:

JAVNI POZIV

za sufinansiranje investicijskih projekata iseljništva u povratničkim sredinama na prostoru Bosne i Hercegovine

1. Predmet javnog poziva

Predmet Javnog poziva je sufinansiranje investicijskih projekata bosanskohercegovačkog iseljništva od strane Federalnog ministarstva raseljenih osoba i izbjeglica u 2025. i 2026. godini u povratničkim sredinama na prostoru Bosne i Hercegovine – u entitetu Republika Srpska, Brčko distriktu Bosne i Hercegovine, te entitetu Federacija Bosne i Hercegovine za područja srednje razvijenih, nerazvijenih i izrazito nerazvijenih općina i gradova u skladu sa indeksom razvijenosti Federalnog zavoda za programiranje razvoja.

2. Cilj Javnog poziva

Cilj Javnog poziva je podržati realizaciju investicijskih projekata pokrenutih od strane potencijalnih ulagača, poduzetnika iz bosanskohercegovačkog iseljništva, radi ekonomskog osnaživanja povratnika u povratničkim mjestima, te animiranje građana koji imaju boravište van države da se vrate u Bosnu i Hercegovinu i daju doprinos ekonomskom napretku i razvoju Bosne i Hercegovine.

3. Pravo učešća

Pravo učešća u Javnom pozivu imaju:

- a) Investitori – ulagači – pravna lica – privredni subjekti registrovani van Bosne i Hercegovine čiji su vlasnici/većinski suvlasnici državljani Bosne i Hercegovine koji imaju boravište van Bosne i Hercegovine, a koji planiraju proširiti poslovanje na prostor Bosne

- i Hercegovine;
- b) Investitori – ulagači – fizička lica - državljani Bosne i Hercegovine koji imaju boravište u iseljeništvu - koji namjeravaju investirati u pokretanje novog privrednog društva u Bosni i Hercegovini.

4. Finansijska sredstva

Planirana sredstva za sufinansiranje investicijskih projekata u skladu sa ovim Javnim pozivom iznose ukupno 913.000,00 KM (slovima: devetstotinatrinaesthiljada KM).

Vrijednost sufinansiranja jednog investicijskog projekta od strane Ministarstva može iznositi od 15.000,00 KM (slovima: petnaesthiljada KM), do 150.000,00 KM (slovima: stotinupedesethiljada KM).

Izabrani investitori preuzimaju obaveze da:

- Najmanje 70% vlastitih sredstava od projektom planirane investicije realizuju u novcu, što će dokazati potvrdom ovlaštene finansijske institucije (banke) o izvršenom transferu sredstava iz inostranstva u Bosnu i Hercegovinu. Transfer mora biti izvršen najranije sa danom objave javnog poziva, a najkasnije sa danom potpisivanja ugovora sa ovim Ministarstvom.
- Preostalu vrijednost investitori realizuju kroz ulaganje u: objekte, opremu, obuku radnika, troškove registracije firme, licenciranje/certificiranje i slično (vrijednost ulaganja mora biti jasno dokaziva finansijskom dokumentacijom, koja nije starija od datuma objave Javnog poziva).

Napomena:

- Prilikom ulaganja i prikazivanja investicije kao preostale vrijednosti, investitori moraju voditi računa o prihvatljivim troškovima u skladu s ugovorom koji potpišu.
- Svi aplikanti su obavezni dostaviti potvrdu o izvršenom transferu kapitala u Bosnu i Hercegovinu koja treba da sadrži ime i prezime, naziv i broj računa u banci, sa jasno vidljivim datumom. Moguće je izvršiti više transakcija (u različitim valutama), čiji konačni zbir na kraju odgovara minimalnom iznosu od 70% planiranog ulaganja.
- Aplikant prilikom dostavljanja potvrde o izvršenom transferu kapitala u Bosnu i Hercegovinu, obavezan je to dokazati u visini od 70% planiranih sredstava od iznosa navedenog u projektu i aplikacijskom obrascu koji je sastavni dio prijave na Javni poziv.

5. Broj prijavljenih projekata

Podnosilac aplikacije za sufinansiranje može dostaviti isključivo jedan projekat u okviru ovog Javnog poziva.

Podnosilac aplikacije se ne može prijaviti kao nosilac projekta u jednom predmetu i kao partner u drugom. U tom slučaju se oba predmeta isključuju iz dalje procedure.

Napomena:

- Ukoliko se program/projekt provodi u partnerstvu, potrebno je priložiti izjavu o partnerstvu

ovjerenu kod nadležne općinske službe (dostavlja se original koji nije stariji od dana objave Javnog poziva).

6. Opći kriteriji za dodjelu finansijskih sredstava registrovanim preduzećima:

a) Prijava na Javni poziv obavezno treba da sadrži sljedeće dokumente – PRAVNA LICA:

- 1) Čitko popunjenu, potpisanu i ovjerenu prijavu na javni poziv na obrascu koji je dostupan na internet stranici Ministarstva, www.fmroi.gov.ba, ili se može dobiti putem e-maila iseljenistvo@fmroi.gov.ba, ukoliko to zatraži aplikant (prijavni obrazac isključivo treba biti ispunjen elektronski, u protivnom će se prijava smatrati neurednom i kao takva biti odbačena);
- 2) Obrazac projektnog prijedloga koji je sastavni dio ovog Javnog poziva može se preuzeti na internet stranici Ministarstva, www.fmroi.gov.ba, ili se može dobiti putem e-maila iseljenistvo@fmroi.gov.ba, ukoliko to zatraži aplikant (obrazac projektnog prijedloga isključivo treba biti ispunjen elektronski, u protivnom će se prijava smatrati neurednom i kao takva biti odbačena);
- 3) Dokaz o registraciji privrednog subjekta u državi boravišta van Bosne i Hercegovine ili u nekoj od država članica Evropske unije (EU) ukoliko vlasnik/većinski suvlasnik ima boravište u nekoj od država članica EU, sa jasno naznačenom vlasničkom strukturom u privrednom subjektu – preveden na jedan od službenih jezika u Bosni i Hercegovini i ovjeren od strane ovlaštenog sudskog tumača;
- 4) Dokaz da su vlasnici ili većinski suvlasnici pravnog lica aplikanta državljani Bosne i Hercegovine – uvjerenje o državljanstvu izdato od strane ovlaštenog organa u Bosni i Hercegovini ili diplomatskom predstavništvu u inostranstvu;
- 5) Dokaz da vlasnici ili većinski suvlasnici pravnog lica imaju boravište van Bosne i Hercegovine – kopija ličnog identifikacijskog dokumenta izdatog u državi boravišta - preveden na jedan od službenih jezika u Bosni i Hercegovini i ovjeren od strane ovlaštenog sudskog tumača;
- 6) Projekat za planiranu investiciju sa detaljnim opisom projekta, dužinom trajanja, vrijednosti ulaganja i očekivanim rezultatima;
- 7) Izjava o broju povratnika koji će biti uposleni kroz projekat;
- 8) Izjava o reinvestiranju, da će se ostvarena dobit ponovo uložiti u poslovanje i razvoj;
- 9) Izjava da pravno lice koje aplicira nije u stečaju niti pod istragom;
- 10) Izjava da se protiv podnosioca prijave ne vodi krivični postupak i da nije osuđivan za krivično djelo (ovjerena u općini ili kod notara).

Napomena:

- Svi dokumenti se dostavljaju uz prijavu u originalu ili ovjerenoj kopiji od strane nadležnog organa ne starijoj od 30 dana (tačke 3, 4, 5, 7, 8, 9 i 10).

b) Prijava na Javni poziv obavezno treba da sadrži sljedeće dokumente – FIZIČKA LICA:

- 1) Čitko popunjenu, potpisanu i ovjerenu prijavu na javni poziv na obrascu koji je dostupan

na internet stranici Ministarstva, www.fmroi.gov.ba, ili se može dobiti putem e-maila iseljenistvo@fmroi.gov.ba, ukoliko to zatraži aplikant (prijavni obrazac isključivo treba biti ispunjen elektronski, u protivnom će se prijava smatrati neurednom i kao takva biti odbačena);

- 2) Obrazac projektnog prijedloga koji je sastavni dio ovog Javnog poziva može se preuzeti na internet stranici Ministarstva, www.fmroi.gov.ba, ili se može dobiti putem e-maila iseljenistvo@fmroi.gov.ba, ukoliko to zatraži aplikant (obrazac projektnog prijedloga isključivo treba biti ispunjen elektronski, u protivnom će se prijava smatrati neurednom i kao takva biti odbačena);
- 3) Uvjerenje o prebivalištu (CIPS) aplikanta izdatog od strane nadležnog organa u Bosni i Hercegovini, ne starije od 3 mjeseca;
- 4) Dokaz da aplikant ima boravište van Bosne i Hercegovine – kopija ličnog identifikacijskog dokumenta izdatog u državi boravišta - preveden na jedan od službenih jezika u Bosni i Hercegovini i ovjeren od strane ovlaštenog sudskog tumača;
- 5) Projekat za planiranu investiciju sa detaljnim opisom projekta, vrijednosti ulaganja i očekivanim rezultatima;
- 6) Izjava o broju povratnika koji će biti uposleni kroz projekat;
- 7) Izjava o reinvestiranju, da će se ostvarena dobit ponovo uložiti u poslovanje i razvoj;
- 8) Izjava da se protiv podnosioca prijave ne vodi krivični postupak i da nije osuđivan za krivično djelo (ovjerena u općini ili kod notara).

Napomena:

- Svi dokumenti se dostavljaju uz prijavu u originalu ili ovjerenoj kopiji od strane nadležnog organa ne starijoj od 30 dana (tačke 4, 6, 7 i 8).

7) Posebni kriteriji za dodjelu finansijskih sredstava (za pravna i za fizička lica):

- 1) Projekat kojim se aplicira za sufinasiranje sa jasno definisanim očekivanim rezultatima i procjenom mjerljivih efekata poboljšanja ekonomske održivosti povratnika;
- 2) Projekcija finansijskih ulaganja sa izvorima prihoda i očekivanim rashodima;
- 3) Visina iznosa vlastitog ulaganja;
- 4) Broj radnika povratnika koji se planiraju zaposliti u okviru investicije, od ukupnog broja radnika;
- 5) Preporuka jedinice lokalne samouprave ili nadležnog organa u oblasti privredne djelatnosti u mjestu sjedišta aplikanta ili u mjestu sjedišta pravnog subjekta - prevedena na jedan od službenih jezika u Bosni i Hercegovini i ovjerena od strane ovlaštenog sudskog tumača;
- 6) Opis namjere i aktivnosti (npr. širenje poslovanja, modernizacija, obuka zaposlenih, unapređenje kvaliteta itd.), na reinvestiranju dobiti ostvarene tokom poslovne godine.

Napomena:

- U slučaju većeg broja aplikacija od planiranih finansijskih sredstava za realizaciju ovog

Javnog poziva, prednost će imati aplikanti koji nisu bili korisnici po ranijim javnim pozivima te aplikanti koji planiraju pokrenuti poslove na području izrazito nerazvijenih i nerazvijenih opština/gradova u entitetu Federacija Bosne i Hercegovine i na području entiteta Republika Srpska.

8) Dodatna dokumentacija nakon potpisivanja ugovora:

Izabrani korisnici će biti **dužni da u roku od 90 dana** od dana potpisivanja ugovora o namjenskom utrošku sredstava dostave za **novoo osnovani** privredni subjekat:

- 1) Rješenje o registraciji;
- 2) ID broj;
- 3) Ugovor sa bankom o otvaranju bankovnog računa;
- 4) Dokaz iz nadležne poreske uprave o prijavljenim radnicima;
- 5) Ugovor o radu na neodređeno vrijeme sa najmanje jednim radnikom iz populacije manjinskih povratnika;
- 6) Dokaz o izvršenom transferu kapitala u Bosnu i Hercegovinu (potvrda ovlaštene finansijske institucije – banke). Ovaj dokaz se dostavlja najkasnije sa danom potpisivanja Ugovora.

Napomena:

- Korisnici nakon potpisivanja ugovora mogu krenuti sa procedurom registracije privrednog subjekta, kao i sa aktivnostima vezanim za upošljavanje radne snage.
- Finansijska sredstva od strane Ministarstva će biti transferisana na račun aplikanta, isti račun na kojeg je aplikant dokazivao transfer kapitala u Bosnu i Hercegovinu. Ukupna sredstva s tog računa trebaju biti prebačena na račun novoosnovanog privrednog subjekta kada se završi procedura registracije i bude aktivan transakcijski račun.
- Aplikanti koji dostave dokaz o izvršenom transferu kapitala u Bosnu i Hercegovinu mogu pristupiti potpisivanju Ugovora.
- Nakon dostavljanja dokaza o transferu kapitala u Bosnu i Hercegovinu i potpisivanja Ugovora, Ministarstvo će odobriti isplatu sredstava predviđenih Ugovorom korisniku što će biti realizovano kroz trezorsko plaćanje Federalnog ministarstva finansija.

9) Način izbora korisnika

Otvaranje prijava, analizu projektnih prijedloga i rangiranje aplikanata po osnovu Javnog poziva će vršiti posebna komisija koju će imenovati federalni ministar raseljenih osoba i izbjeglica.

Komisija će razmatrati prijave u skladu sa Procedurama za izbor potencijalnih korisnika za sufinansiranje investicijskih projekata bosanskohercegovačkog iseljništva od strane Federalnog ministarstva raseljenih osoba i izbjeglica u povratničkim sredinama na prostoru Bosne i Hercegovine, donesenim od strane federalnog ministra raseljenih osoba i izbjeglica, te u skladu sa odredbama ovog Javnog poziva.

Komisija zadržava pravo provjere tačnosti podataka iz aplikacija na Javni poziv, te u slučaju da utvrdi da podaci nisu tačni, može predmetnu aplikaciju odbaciti kao neurednu.

Napomena:

- Prilikom potpisivanja ugovora, aplikanti ili ovlaštene osobe će biti dužni dostaviti potrebnu dokumentaciju: lična karta (na uvid), 2 bjanko mjenice.
- Aplikanti mogu ovlastiti osobu za potpis, uz validnu punomoć ovjerenu kod notara. Punomoćnik dostavlja Ministarstvu punomoć prilikom potpisivanja ugovora. Ukoliko je punomoć sačinjena na stranom jeziku, ista mora biti prevedena na jedan od zvaničnih jezika u Bosni i Hercegovini kod ovlaštenog prevodioca sa vidljivim potpisom i pečatom.

10) Prihvatljivi troškovi za pravdanje sredstava:

- Troškovi osnivanja i registracije privrednog subjekta (sudski troškovi, notarski troškovi, advokatski troškovi, administrativne takse i sl.);
- Troškovi redovnog poslovanja i to: fiskalizacija i nabavka fiskalog uređaja, nabavka usluge računovodstva, troškovi nabavke kancelarijskog materijala, opreme i namještaja;
- Zakup poslovnih prostorija i zemljišta;
- Troškovi radne snage (plaće radnika uključujući pripadajuće poreze i doprinose);
- Ulaganje u opremu za vršenje registrovane djelatnosti do visine 50% od sredstava odobrenih od strane Ministarstva.

Napomena:

- Svaki trošak projekta mora biti povezan s nekom od prihvatljivih projektnih aktivnosti i nužan za njeno provođenje.

11) Prijave koje se neće razmatrati

- Prijave dostavljene nakon isteka roka za podnošenje prijava;
- Prijave koje nisu poslate preporučenom poštom;
- Prijave koje ne sadrže svu obaveznu dokumentaciju propisanu Javnim pozivom (opći kriteriji);
- Prijave koje nisu uredno elektronski napisane ili popunjene;
- Prijave podnesene na drugi način, suprotno tekstu Javnog poziva.

12) Objavljivanje rang listi potencijalnih korisnika

Preliminarna i konačna rang lista po ovom Javnom pozivu će biti objavljene na internet stranici Federalnog ministarstva raseljenih osoba i izbjeglica www.fmroi.gov.ba.

13) Prikupljanje i obrada ličnih podataka

Aplikanti predajom prijave na Javni poziv daju dozvolu za prikupljanje i obradu ličnih podataka te saglasnost za javnu objavu osnovnih podataka.

14) Način prijave na javni poziv (pismenim putem i elektronski)

Popunjen obrazac prijave na Javni poziv, obrazac projektnog prijedloga i traženu dokumentaciju aplikanti će dostaviti isključivo **preporučenom poštom** na adresu:

**Federalno ministarstvo raseljenih osoba i izbjeglica
Hamdije Čemerlića 2.
71000 Sarajevo**

sa naznakom: Prijava na „Javni poziv za sufinansiranje investicijskih projekata iseljeništva u povratničkim sredinama na prostoru Bosne i Hercegovine“ – *Služba 10*

(Na poleđini koverta obavezno navesti naziv/ime podnosioca prijave, tačnu adresu i broj telefona)

Rok za dostavljanje prijava je 18. septembar 2025. godine.

Pored dostavljene pismene prijave i tražene dokumentacije aplikant obavezno popunjava i elektronski obrazac prijave putem [linka](#).

Dodatne informacije mogu se dobiti putem e-maila: iseljenistvo@fmroi.gov.ba, ili putem kontakt telefona: 033/294-162, 033/294-181 i 033/294-182.

MINISTAR

Nerin Dizdar